

JESUS, ANDIFAK NNYIN

Mme Hebrew 1:1-14.

ỌYỌHỌ UKPEP-ŃKPỌ 432

Eke Mkparawa

IKỌ IBUOT: “Mbufo eka ekenam kpukpru mme idut edi mbet Mi, enim mmọ baptism esin ke enyiñ Ete ye Eyen ye Edisana Spirit” (Matthew 28:19).

Uyọhọ Mme Uwa

Paul, Owo-mbet ekewet Ẹwed Mme Hebrew ọnọ mme Hebrew emi edide mme Anditiene-Christ, kpa mmọ emi ekenimde Jesus ke akpanikọ. Ema ekpep mmọ nte ekpenimde ibet Moses toto ke uyen, mmọ ema enyuñ efiok ebaña mme uwa eke ekpewade. Edi mme uwa oro ekedi mbukpọn ńkpọ ndiwut mme owo ke eyo Akani Ediomi ete ke usen kiet Jesus eyedi ndiduok Iyip Esie man afak ubon owo osio ke mme idiok-ńkpọ mmọ. Ke ini Jesus ama ekedi Enye ama anam ukem nte uwa oro akadade ọnọ: Enye ọduok iyip Esie ke ema ekewot Enye ke Calvary. Ke oro ebede ufọn ikeduhe aba ndiwa mme uwa efen.

Ke akpa ibuot ukpep-ńkpọ Mme Hebrew, Paul otim etiñ abaña ubọn Abasi ye eke Jesus. Ediwak mme Jew emi ekedude ke ini Jesus okodude ke isọn ikonimke ite Enye ekedi Eyen Abasi. Paul ńko ikonimke ke akpa ifet emi enye okokopde ńkpọ abaña Jesus; edi ke enye ama okonyime onyuñ akabare esit enye ama ayak ofuri uwem esie esin ndimen ńwut mbon efen nte ke Jesus edi Eyen Abasi.

Mme Anditiñ Ntiñ-nnim Ikọ Akani Ediomi

Ke editọnọ mbuk ubon owo, Abasi ekesitiñ ebe ke mme anditiñ ntiñ-nnim ikọ. Moses ekedi anditiñ ntiñ-nnim ikọ ye ediwak eken: Samuel, Jeremiah, Isaiah ye Ezekiel. Ndusuk mme anditiñ ntiñ-nnim ikọ ema etiñ ke ńkpọ nte isua ikie mbemiso mbon efen, edi kpa ye oro kpukpru mmọ enyime esit kiet se mmọ eketiñde koro edide Edisana Spirit akada mmọ usuñ. Ini kiet Peter, Owo-mbet etiñ ete: “Ikọ prophet itoho ke uduak owo: edi mme owo etiñ ikọ eke otode Abasi, nte Edisana Spirit esinde mmọ etiñ” (2 Peter 1:21). Enye eketiñ ikọ abaña mme anditiñ ntiñ-nnim ikọ oro Paul akasiakde.

Kpukpru mme anditiñ ntiñ-nnim ikọ eketiñ ikọ ebaña eridi Jesus. Ndusuk idaha mmọ ema etin ebaña ini emi Enye edidide nte Nsek Eyen Bethlehem; ini efen mmọ etiñ ebaña ini emi Enye edidide nditañ ikọt Esie ndọk; ndien Enye eyefiak edi ndikara ke Tọsin Isua ke isọn.

Andinyene Kpukpru Ẹkpọ

Ke akpatre Jesus ama edi onyuñ etin ọnọ nnyin se Ete Esie oyomde nnyin ifiok. Jesus ama okpon akan kpukpru mme anditiñ ntiñ-nnim ikọ, ke akpanikọ Enye ama okpon nte ekekemedede ndibuana ke edibot ererimbot ye kpukpru se idude ke esit. Abasi Ete ama onim Jesus ke andinyene “kpukpru ńkpọ,” oro ọwọrọ ete ini kiet Jesus eyekara ererimbot emi, ndien owo kiet kiet enyene ndinam se Enye edidọhọde mmọ enam. Enye edinyene kpukpru ńkpọ, eyenyuñ ayak Nditọ Esie (ata mme anditiene Jesus) eñwam Enye ndikara ererimbot emi. David ama etiñ abaña ini emi ke ńwed Abasi: “Beñe mi, ndien nyenọ fi mme idut ke udeme fo, nyenọ mme utit ererimbot, nte afo ada enyene. Afo eyenuak mmọ ke esañ ukwak; onyuñ obom mmọ nte ńkpọ eke obot-eso anamde” (Psalm 2:8, 9). Abasi eyenọ Jesus ofuri odudu.

Paul etiñ mi ete ke Jesus ama enyene ebuana ke utom obot: “okonyuñ adade Ubọk Esie obot ekondo” John, Owo-mbet ama etiñ ke ini enye ọdọhọde ete ke Jesus ekedi Ikọ, emi akakabare edi obuk onyuñ oduñ ye nnyin. “Ikọ okodu ke eritọnọ, Ikọ okonyuñ odu ye Abasi, Ikọ onyuñ edi Abasi. Kpa Enye okodu ye Abasi ke eritọnọ. Oto ke Enye ekenam kpukpru ńkpọ; ndien mitoho ke Enye, inamke ńkpọ baba kiet eke ekenamde” (John 1:1-3). Kpukpru ini Jesus okodu ye Abasi. Ke mme Ikọ Abasi emi Paul ekewetde: “Afo edi eyen mi, ami mmobon fi mfin emi” (Psalm 2:7). Abasi ekemen emi owut ini emi Jesus akamanade ke Bethlehem ke ini emi Enye ekedide ke isọn ke uduot owo. Jesus ke Idem Esie anam mbet Esie efiok ete ke Imọ ima idodu mbemiso Imọ idi ke isọn. Ke akam Esie mbemiso ewot Enye ke krọs Enye ama ebeñe Abasi Esie ete: “Ete, da ubọn, eke ńkenyenede ye Afo ndien ererimbot edidu, nọ Mi” (John 17:5).

Ubọ́n Jesus

Nnyin ikemeke ndikere nte ubọ́n ye odudu Abasi okponde, edi nte ededi Jesus enyene ubọ́n ye odudu eke okponde akan. Idighe utom obot ikpọ́n ke Enye eketiene Abasi anam edi Enye ama owuk ererimbot ye mme ntanta ọ́fiọ́n ye mme ikpa-enyọ́n eken esańa ke mme idaha mmọ́ oto ke odudu Esie. Ata akpan ńkpọ́ eke Jesus akanamde emi ebegede nnyin edi ndikpa ke ntak idiọ́k-ńkpọ́ man nnyin ikpọ́bọ́họ́ ufen hell, ke se ikanamde idue. Koro Enye ama akpa ke ntak idiọ́k-ńkpọ́ nnyin, imekeme ndibeńe Enye efen ke mme idiọ́k-ńkpọ́ nnyin; ndien Enye efen, eyet mme idiọ́k-ńkpọ́ nnyin efep, anam nnyin inen ke enyin Abasi nte ńkpọ́ eke akananam nnyin minamke idiọ́k-ńkpọ́. Ke Enye ama okokure akwa utom emi, Enye ọ́nyọ́n ke Heaven onyũn eketie ke ubọ́k nnasia Abasi.

Mbuot Abasi Ita Ke Kiet

Ndusuk owo ekwọ́rọ́ ete ke owo kiet kpọ́t odu ke Mbuot Abasi Ita: Jesus ikpọ́n. Nnyin imokut nte Abasi eketińde ebe ke mme anditiń ntiń-nnim ikọ́ ke eyo oko, edi ke ini Obufa Ediomi emi, Enye etiń ebe ke Jesus. ńko, Jesus ama ọ́bọ́n akam ọ́nọ́ Ete (Enye ikọ́bọ́ńke inọ́ Idem Esie). Onyũn ebene ete Enye owut mme mbet ubọ́n emi Enye ekenyenede ye Ete ke Heaven. Edieke Ete ye Eyen edude, ke ntre owo iba edi oro. Ke Jesus ama okokure utom Esie ke isọ́n Enye ama ọ́kọ́suhọ́re etie ke ubọ́k nnasia Abasi, oro edi ke ńkań Owo efen.

Ọ́yọ́họ́ Owo Ita onyũn odu ke Mbuot Abasi, kpa Edisana Spirit. Mme Anditiene-Christ eda ikọ́ Mbuot Abasi Ita ke kiet ete ke ọ́wọ́rọ́ Abasi Ete, Abasi Eyen ye Abasi Edisana Spirit. Ewet ikwọ́ kiet ewet ete, “Abasi Ita ke Kiet, Ndotu Abasi”! Edisana Spirit ńko ama etiene abuana ke utom obot, koro Ikọ́ Abasi etiń ete: “ Spirit Abasi onyũn ọ́kubọ́ ke enyọ́n mmọ́n” (Genesis 1:2). Ke ini ekebotde owo, Abasi ọ́dọ́họ́ ete, “Eyak nnyin inam owo ke mbiet nnyin, etie nte nnyin” (Genesis 1:26). Ke idade mme ikọ́ emi “Nnyin” ye “mbiet nnyin” ọ́wọ́rọ́ ete awak akan owo kiet.

Abasi Emi Mikpuhọ́kere

Paul ama etiń nti ikọ́ abańa utom obot ke Psalm 102 ke ini enye ọ́kọ́dọ́họ́de ete: “Ke eritọ́nọ́ Afo, Ọ́bọ́n, okowuk isọ́n ke itie esie, Enyọ́n onyũn edi utom ubọ́k Fo. Mmọ́ eyebe efep; edi Afo eyesuhọ́: Mmọ́ kpukpru eyetaha nte ekura, Afo eyenyuń ofut mmọ́ nte akwa ọ́fọ́ńidem, Nte ekura, ndien mmọ́ eyekpuhọ́re: Edi Afo edi kpasuk Enye, Mme isua Fo idinyuń ikureke. (Mme Hebrew 1:10-12). Kpukpru ńkpọ́ ke ererimbot ekabare ńkani enyũn efiak ke ntan.

Mme andiduńọ́re mbańa ńkpọ́ eset ke ini esidọ́kde isọ́n ke mme obio, esibuhọ́re mme mbiara ńkpọ́ ńwure obio emi ekebọ́pde obio efen edori, tutu ke ndusuk ini mmọ́ ekut obio itiaba me itiaita, emi ekebọ́pde ke nsio nsio ini ke eset. Ema efre kpukpru owo emi ekeduńde ke nsio nsio ini oro. ńko usen kiet eyebiat ererimbot emi. “Se edade ebet ererimbot eyenyuń etara ke ọ́kpọ́sọ́n ufiop, ndien isọ́n ye kpukpru utom eke enamde ke esit eyeta ikań ebiara” (2 Peter 3:10). Edi Abasi eyedu ke nsinsi. Enye ododu, eyesuk odu. Ke ini Jesus ama okure utom Esie ke isọ́n, Enye eyeyak kpukpru odudu ọ́nọ́ Ete. “Ndien ke ini kpukpru ńkpọ́ edisuhọ́de esine Enye ke idak ikpat, adańoro ndien ke Eyen ke Idem Esie edisuhọ́ ọ́nọ́ Enye emi akadade kpukpru ńkpọ́ adak Enye ke ikpat; man ke usuń ekededi Abasi ekpedi kpukpru ńkpọ́” (1 ńwed Corinth 15:28).

Edieke kpukpru ńkpọ́ ke ererimbot edibiarade ntre, ńkpọ́ Abasi onyũn ọ́sọ́ńọ́de ada ke nsinsi, nnyin imekeme ndikut ite ata akpan ńkpọ́ ke uwem nnyin ekpedi ndinam ufan ye Abasi, ndiyarade mme idiọ́k-ńkpọ́ nnyin nyuń ńkpọ́n, ndimana obufa, ndibọ́ edinam asana ofuri ofuri nyuń nam mme ńkpọ́ eke enemde Enye esit; ndien Enye eyeda nnyin man iduń ye Enye ke nsinsi ke Heaven. Edi akpanikọ́ nte ke mme owo ekpade, ikpọ́hidem mmọ́ efiak ke ntan, edi spirit eyedu ke nsinsi, onyũn edi ke Heaven me ke hell. Nnyin imenyene ata akamba ifet ndinam ńkpọ́ nnọ́ Abasi ke uwem emi. Edieke anade nnyin ikpa mbemiso Jesus edi, ikpọ́hidem nnyin eyefiak ke ntan, edi ke eridi Esie nnyin iyaset ke ikpọ́hidem ubọ́n, iyeduń inyũn ikara ye Jesus ke nsi-nsi.

Mme Asua Jesus

Ke ini Jesus ama akafiak ke heaven ke Enye ama okoduń ke isọ́n, ewot Enye, Enye eset ke mkpa, Abasi ọ́dọ́họ́ Enye ete: “Tie ke ubọ́k nnasia Mi, tutu nnam mme asua Fo ekabare edi udorukot Fo.”

Jesus enyene ediwak usua ke ererimbot emi. Kpukpru owo ekesinde ndinam nkpo Jesus edi asua Esie. Edi ke ini Abasi edinode ubierikpe, eyekan kpukpru mme asua Jesus enyuñ eno mmọ ufen.

Mme angel edi ndisana nkpo uwem emi enamde item Abasi ke Heaven. Edi mmọ ikponke nte Jesus. Abasi akanam inwofone odudu ye edidion ino mme angel nte emi Enye ofonwofone ono Jesus, ikpon ikpon Eyen Esie. Jesus enyene ofuri odudu ke Heaven ye ke ison idaha emi, edi Enye ayak ifet ono owo ndikara nte amade; oro edi ntak emi nnyin inyenede afanikon kpukpru ini, ekon ye etop ekon, uwot owo, ino ye kpukpru se idiodke. Edi Jesus ama ada ukara Tosin isua, emem eyeyoho ke ison. Nnyin iyenyene ukara edinen ido, afanikon, unana utom, ofoson eyo ye akan idinyuñ iduhe aba koro kpukpru owo enimde mbet Esie.

Utom Mme Angel

Tono ke eyo oko mme angel ekesidi mme isuñ utom Abasi. Edi mme angel ekemen etop esok Abraham ete ke enye eyenyene eyen; Mmọ eketin eno Lot ebaña nsobo Sodom ye Gomorrah; angel ama etin ono Zacharias ete enye eyenyene eyen eren emi edikerde John, enye nko onyuñ otober Mary ete enye edidi eka Jesus. Ke ini Jesus ofofone akam onyuñ odude ke ofoson ukut ke inwan, edi mme angel ekedisono Enye idem. Ke ini akanade nte ewot Enye, Enye etin ete ke Imọ ikpokokot udim mme angel edinwam Imọ; edi Enye ikoyomke unwam. Angel nko okokibi mme ekpe inua ke ini Daniel okodude ke obube ekpe; edi angel ekeberede usuñ ufok nkpoobi ono Peter ye mme Mbet eken eworo.

Mfin Abasi kodon mme angel ndikpeme mmọ eke enamde nkpo Esie. Jesus ama etin abaña ebeñe-ebeñe emi eketiede ke inua otop owo inyene, ete ke ini enye akpade mme angel edimen enye eka ke ebiet nduok odudu. Nnyin ikemeke ndikut mme angel edi nnyin imofok ite ke ediwak idaha mmọ ekpeme nnyin esio ke nkpo ndik, esisio nnyin ke unomọ ubom-ison, ke mmọn ye ke nkpo ntibe efen. Mme anam utom Abasi ke idut mme okpono ndem esikut mme angel ke ufok mmọ ke ini esobode ye mkpo ndik. “Angel Jehovah ana akan mmọ eke ebakde enye okuk, onyuñ anyaña mmọ” (Psalm 34:7). Nnyin imokom Abasi ke mme angel ukpeme, edi Jesus okpon akan mmọ. Enye edi Andinyaña nnyin. Oto ke Enye nnyin inyene nsinsi uwem.

MME MBUME

- 1 Nso ke mme anditin ntiñ-nnim ikọ ke Akani Ediomi eketin ebaña?
- 2 Anie eketeme mme Anditin ntiñ-nnim ikọ se mmọ ekpetinde?
- 3 Anie okobot ererimbot?
- 4 Owo ifañ edu ke Mbuot Abasi?
- 5 Nso ke Abasi Ete okokot Jesus?
- 6 Jesus edibighe adaña didie?
- 7 Mme anie edikara ye Jesus ke ison?
- 8 Siak ndusuk utom mme angel.